

國
朝
詞
綜
補

國朝詞綜補卷十二

無錫丁紹儀杏舫輯

盧址一首

周翥華一首

鄭成基二首

方懋福一首

鄭達一首

陶鎣一首

趙昱一首

梅懋二首

曹臣襄一首

龔勝玉二首

路傳經二首

徐銘彝一首

荆人鳳二首

段玉函一首

程嗣立一首

朱廷鍾二首

胡鼎玉 二首

董德鏡 一首

李天根 一首

董 竑 二首

顧階升 一首

沈光熙 二首

王 璐 一首

顧斗光 二首

楊逢春 二首

楊逢吉 一首

楊逢時 一首

陳 凱 一首

王廷魁 一首

沈曰霖 一首

羅 震 一首

倪一擎 一首

許 煥 一首

許 燦 一首

汪鳴珂 一首

夏 綸 一首

薛廷文一首

馮振東一首

查義一首

王彝鼎二首

諸洛一首

張宗枏一首

張宗松二首補詞

許用良一首

曹玠一首

范用炳一首

盧

址字丹陞號青崖鄧縣人諸生官中書

摸魚兒

最難堪春三二月
撩人無限愁緒綠肥紅綻分明甚轉
眼落花飛絮春將去漫道是王孫芳草迷歸路總留不住
但一曲蟬琴數聲蛙鼓相送夕陽浦
一生恨卻憶

箇人眉嫵相思有夢無據長條擬結同心帶奈隔重重
煙樹愁幾許忍更聽廉纖徹夜梨花雨佳期終阻嘆魏
殿香銷吳宮月冷多少斷腸處

周翥華

字白于太倉人
官漢陽縣丞

沁園春

明君竹巖出雙鬢伴續圖索題長觸無端
漫成是解

境占清涼鄉占溫柔兼之者誰正青燈影裏一編靜展
碧雲罨處雙袖低垂心字香濃眉峰翠淡讀罷煩將彩
筆揮何須羨說兩行椽燭羅綺成圍吳儂昔日唔咿
記刀尺相陪夜半時嘆清輝虛幌閨中獨倚秋聲孤館
童子何知金縷休歌牛衣有夢長觸心情似絮泥盡

作平

歸去趁江村長夏畫紙彈碁

鄭成基

字靜山遵化人官四
川建昌道有青衫詞

減字木蘭花

古佛堰即景

水平風定古佛一龕香火靜樹影層樓記得前年此泊
舟暮鴉閃閃今日停橈天又晚野岸孤篷山色蒼茫
雨色濃

水調歌頭

春水綠痕淺柳下繫孤舟呼童試數雙槳拍拍學閒鷗
久住芙蓉城裏回憶黃金臺畔風景似前不何日賦歸
去鵬嘴傍芳洲碧筒酒錦江鯉漫勾留憎人最是霜

鬢攬鏡暗生愁無意栽花插竹有興題詩招客樽酒任
沈浮時節悵梭擲又是一年秋

方懋福

字俊公號萼亭元和人貢生官甘泉訓導

浣溪紗

漠漠輕陰翦翦風六銖衣影畫樓中含情無語下簾櫳
玉骨多因春夢瘦佳期暗與落花空黃昏時節雨濛

濛

鄭

達

字君穎香山官兵部司務有怡心亭詞

臨江仙

想見芒鞋竹笠生涯半雜漁樵門前垂柳弄烟條看雲

眠石磴步月度溪橋 悵望蒹葭秋水興來不待相招
携筇相就未為勞桑麻饒野趣詩酒話深宵

陶

鎭字雲池新會人
有四桐園存稿

清平樂

剛剛雨歇微露蛾眉月雁語酸辛蛩語咽不管客懷悵
絕無言獨倚闌干行吟又苦霜寒正是蟹肥時候黃
花一半摧殘

趙

昱

字功千號谷林仁和人貢生乾隆
元年舉鴻博未遇有愛日堂詞

水龍吟

甲辰春暮倚樓見海棠葉底殘花用黃雲
舟韻

時光又過清明畫簾淺揭湘紋翠濃妝已卸零脂餘幾

還勾蝶睡國色留情芳心含恨綠陰滿地數深叢寂歷
一痕殘豔欺春事今休矣無那重攜鳳蠟照妍姿臨
風掩袂垂垂小住亭亭獨殿無多別淚依約丰神玉肌
香減醉顏紅退悄憑闌不語嬌慵誰伴隔盈盈水

梅 怨

字芬遠長洲
人有架龍詞

沙塞子

周香草亭韻

曉開奩鏡拭紅綿。嬌無語。妝罷思眠。最憐是、淡雲疎雨。
憔悴春天。兩眉愁聚憶從前。曾密誓、低裏鑪煙。誰念
取、梨花落盡。腸斷今年。

換巢鸞鳳上已感懷

日暖絲飄。正花開豔冶。鶯語妖嬈。年辰傳社鼓。巷陌度
錫簫。虞山芳草綠裙腰。泛將畫船。長橋短橋。看無數。紅
袖影。春潭低照。悄悄。曾經到。曲水短牆。靜掩桃門小。
手撚殘枝。沈吟往事。空把迴廊循繞。寂寂誰招麗人遙。
堂堂恐負春光好。又新蟾。映梨雲。愁緒多少。

曹臣稟

字思贊宜興人
諸生有月姸詞

石州慢訪教葬上人

瘦石敲青。斜照斂黃。山似煙幌。閒尋松徑。橫披老幹。若
虬龍樣。薜蘿幽處。拂薜轉入齋廚。斜廊活火煎茶響。晚
磬數聲傳。看經幡低漾。神往。岩花爭發。好鳥頻啼。最

高峰上。崖際飛來雲瀑。宛翻銀浪。一編貺我。琢就幾許新詞。清如玉露流仙掌。更許餉銀桃。到今朝還想。

冀勝玉

字節孫武進人有仿編詞

摸魚兒

泊舟浮邱公釣魚臺下

算狂生煙霞骨相。一竿偕隱。為是畫溪不少垂綸地。正好尊香饌。美真無謂。把似水華年老。向風塵裏行行且止。正陳跡當前傷今弔古。惹起故鄉思。扁舟去。恰傍釣魚臺。嫩浮邱。未免多事。丹山碧水。雖佳麗。何必留名如此。秋風起。只一片高臺。不共流波逝。吾其歸矣。想白壁黃金。而今覩破。不過釣人餌。

清平樂

銀缸穗冷結盡香閨恨寶篆煙消蓮漏永無那衾餘枕
賸寒窗月已西斜此時飄泊誰家願入漆園深處相
尋直到天涯

路傳經

字哉惺荆溪人
有曠觀樓詞

浣溪紗

片片殘紅點翠苔暗思前事總成灰柔腸一日轉千回
燕子飛時原有約海棠開盡不曾來一般情性好難
猜

淡黃柳

西風幾日。一帶黃金陌。搖落朱樓芳檻側。水驛旗亭煙
冷。頓覺纖腰瘦無力。遠山隙。絲絲尚凝碧。遮不住。陶
潛宅。只殘鴉。幾點還相識。一樣銷魂。後湖荷蓋也。覺近
來蕭瑟。

徐銘彝

字約書金山
人有渚園詞

蝶戀花

抵死留君君不住。驪唱匆匆住也。終須去。一幅風帆江
上舉。此時庭院春誰主。畢竟天涯程幾許。山水重重
遮徧。行人路。雲樹蒼茫催薄暮。斷腸無語空延佇。

荆人鳳

字振荆
丹陽人

醉太平別綃山

山青水清。花明鳥鳴。蘆洲柳岸漁簖。醉南薰艇橫。長
亭小停。雲晴別情。殷勤還是流鶯。喚東風幾聲。

減字木蘭花

綠陰低護。仄徑橋平看浴鷺。細浪生時。點水蜻蜓撲釣
絲。藕花紅破。翠葉層鋪涼欲臥。嫌煞西風。淨捲殘雲
夕照濃。

段玉函

名未詳
金壇人

燭影搖紅

柳色陰濃。伊人遙在春煙裏。天涯別後。雁魚修回首。魂

銷矣密檢新詞舊葉怕吹散粉香花氣蠅頭細楷似暗
如明亂愁提起一夢無邊淚痕深漲門前水青山相
對夕陽低照影臨流睇獨我心中眼底枉猜徧近來何
似憐才誰是萬詠佳詞他生還記

程嗣立

字水南號風衣
山陽人諸生

洞仙歌

早起

晨光乍啟。閃紅霞成片。海底飛鳥影先見。最關情此際。
一霎濃華。拋不迭翠被餘溫香淺。怪檀奴何事輕犯。
朝寒。便把疏窗繡簾捲。雪漾夜來霜。又逼風來。全不管。
冷侵人面。待日上三竿。有何妨。好綰起鬟雲。溶溶庭院。

朱廷鍾

字蓉臥金匱人譜
生有群玉山房詞

浪淘沙 秋夕

新月挂長空
弓樣玲瓏金風蕭颯桂香濃
砧杵誰家敲斷續驚起離鴻
玉露溼芙蓉啼損芳容闌干倚徧畫樓東
殘夢不成鴛枕冷惱煞秋蛩

滿庭芳

玉蘭

刻玉玲瓏吹蘭芬馥
搓酥滴粉丰姿縞衣霜袂賽過紫
辛夷自愛臨風皎皎笑
素消芳藥紛遺藐
姑射肌膚凝雪煙雨畫樓西
開齊還也未綿苞乍褪
鶴翅初披稱水晶簾映雲母屏
依綽約露含目
混水輪轉環珮參差

問瓊英返魂何處清夢繞瑤池

胡鼎玉

字伊齋鄞縣人監生

搗練子

情脈脈病恹恹蝶倦花飛絮撲簾誰道東風無氣力儘
能吹恨上眉尖

鷓鴣天

旅邸聽雨

一點殘燈幾點花雨聲點點撲窗紗玉鑪香燼和煙冷
街鼓聲沈帶溼燭招蝶使御雲車安排清夢欲還家
明朝定把芭蕉剗響徹終宵總是他

董德鏡

字向若邗縣人諸生

西江月 漁父

不去紅塵混跡，徧從綠水浮家。江湖浩蕩足生涯。何事
求田問舍。聊醉三杯竹葉，更吹一笛梅花。殘陽斂照
晚煙斜，泊向垂楊樹下。

李天根

字雲墟，無錫人，有豔雪詞。

菩薩蠻 題朱蓉帆小影

年來絕意人間世，不妨終老煙波裏。帆影逐風來，芙蓉
花正開。秋容猶未老，寫入丹青好。襟抱冷於冰，丰神
雪樣清。

董

竇

字愚亭，鄞縣人，監生。

中興樂

飛飛紅葉過階斜。離人鄉思偏賒。別有秋情，怕對殘霞。
月明短笛誰家。落梅花。寸腸千折，青衫淚溼，夢遠天涯。

顧階升

字步巖元
和人監生

眼兒媚

風來水閣淡吹香。几簾夢魂涼。晚虹纔斂，疎蟬高奏，深
樹斜陽。棕輿羅扇欣初浴，吟興共雲長。唾壺擊處，藕
花微動，飛出鴛鴦。

沈光熙

字思凝長
洲人諸生

踏莎行 踏青

遲日園林暖風簾戶柔情不奈愁如許
討春消息禁煙時一鈎羅襪蘅皋路
倦蝶迷花嬌鶯選樹香塵拂面
人來去去年草色又今年萋萋綠到銷魂處

洞仙歌 盆梅

東風無賴儘瓊芳吹盡香雪菲菲杳難問
賸碧紗窗外尺半苔枝驚愁眼留得天涯春信
紅蕤攢秀石一樣橫斜玉貌看來轉清潤
何處舊蟠根金翦分開渾未損
裁寒心性待移近屏山細端詳只幾點疎花也添詩興

王

璐 字淑珮陽湖人
靖生有澹齋詞

憶秦娥

春寂寂落花細雨簷前滴
簷前滴東風吹夢者般無力
小樓閒倚闌干立
郊原芳草傷心碧
傷心碧王孫歸未
鵲鵲聲急

顧斗光

字諤齋無錫人
諸生有翠茗詞

南柯子

秋思

雨拭遙山碧
雲連夕照黃
新秋多少好
風光未免有情
難遣是離腸
信隔紅牆遠
愁憐獨夜長
終朝相看只
尋常不道箇人去後便淒涼

臨江仙

枯坐蕭然渾似醉夜深猶剔孤檠捲簾時見渡河星綠
楊風少力紅藕露含情 窗外琤琮敲響竹草閒螢火
縱橫蝶飛不到夢難成寺鐘愁斷續鄰笛聽分明

楊逢春

字芝山金匱人
諸生有雪村詞

采桑子

秋窗夜色涼如許燈火星星螢火星星明月窺人到畫
屏 梧桐葉已喧金井砧又聲聲蛩又聲聲孤枕淒涼
夢不成

百字令

翠樓春上忽陌頭楊柳依依凝盼似我愁心愁不了飛

絮飛絲撩亂畫影秋千清聲弦索歡笑誰家院箇僕孤
另雕梁羞伴雙燕最是南浦分携綠波無賴吹送扁
舟遠芳草年年生別處空記別時人面路隔三千峰迷
十二夢也尋難見金罍酌酒綺窗聊自排遣

楊逢吉

字蘊生
金匱人

水調歌頭

張樂圃招同蒲德星錢嘯樓雪村兄小
飲牡丹花下

希逸近何嬾開戶謝春風秦川公子興發拉我過芳叢
庭下名花雲燦座上勝情霞舉洗眼更開胃一笑酌婪
尾不覺醉顏紅想豪門闌百寶錦千重子孫看到有
幾富貴轉頭空怎似夢傳彩筆能使魂留玉珮千載賞

心同試聽畫梁燕相對語惺忪

楊逢時

字成山金匱人
諸生有雲皋詞

如夢令

新柳

幾日春風搖颺淡碧便生微浪帶得曉煙濃猶怯雛鶯
轉響樓上樓上早怕陌頭遙望

陳

凱

字汾陽金匱人
諸生有竹源詞

金縷曲

同王敬宣重宿紅花埠

落日銜層巘望天隅殘霞一抹亂鴉千點嘶馬舊曾行
過地花埠暮雲初斂留客住酒帘斜颺記得當鑪人窈
窕悄含情紅暈芙蓉面奉珠箔露金釧重來芳草迷

歸眼正晴郊護堤沙淨繞溪煙散隔院鶯聲啼不歇淒
絕雙扉空掩何處覓畫梁樓燕綠葉陰陰春易晚嫁櫻
桃已逐東風便聊對酒燭頻翦

王廷魁

字盤溪吳縣人諸生有小傳雲詞

浣溪紗

纔折櫻桃養素蕘茶煙輕颺午晴時絃時讀畫一臨池
未出岫雲難作雨不開花樹是空枝無聊人易鬢成
絲

沈曰霖

字驥展吳江人諸生有紉芳詞

祝英臺近

行經石門

產女亭語兒涇漸近石門矣別淚方收弩力做游子生
平未出門行行非容易萬里路此纔嚆矢從頭起料
理詩紀郵籤千山復千水休道離家已二百餘里須知
他日歸來重經此處早喜煞鄉音在耳

羅

震

字時東吳
縣人諸生

西江月 旅次聞笛

沙岸霜飛九月城頭鼓打三更一聲長笛月華明旅夢
遽然驚醒有客關山未返伊誰楊柳縈情孤舟莫向
大江橫怕有魚龍潛聽

倪一擎

本姓凌字建中
仁和人諸生

摸魚兒

題友人秋塘放鴨圖

媚清秋野塘波冷短蘆飛漾晴雪舒晷不共雙鴛宿憤
狎水簾千尺開淨碧想放罷浮茵碎簇沙棠棹輕移片
葉正影亂溪雲聲喧江雨日暮斷人跡 煙波濶何似
浮家泛宅頭銜新署狂客青蒲淡染鵝溪絹不數敗荷
崔白真韻絕聽宛轉新詞一縷傳紅頰賓洲譜笛任魚
駭鷗驚西風吹老消領半汀月

許

煥

字振武嘉興人
諸生有牧堂詞

洞仙歌

題梧桐小幃

日長小院愛清陰堪掬冷壓重簷翠如幄聽銀牀鬧雨

勝似芭蕉恁點點清晝撩人幽獨
折來頻記閨數過
秋期減了枝頭一痕綠便爾拂銀箋款住西風直描出
秋聲盈幅問葉底繁花幾時開待小鳳團巢夜寒樓宿

許

燦

字晦堂嘉興人諸生

惜餘春慢

送春

淑景偷侈芳心催謝又是天涯春杳桃花片片杜宇聲
聲紅染翠堤芳草回首韶光可憐屢數花風幾番孤了
儘追游良夜西園還恐亂鶯啼曉
渾不記詩酒猖狂
旗亭曩跡減卻風情多少無邊舊恨併入新愁慣怕錦
屏人老何況王孫未歸流水落花佳音愈渺倩東君分

付明年楊柳青青須早

汪鳴珂

字宣綸
震澤人

浣溪紗

小園坐月

雨歇梧桐夕景浮
小闌花韻漫淹留
碧天如水院如秋
最怯涼風吹舊夢
劇憐淡影照新愁
箇人想像倚高樓

夏

綸

字惺齋
錢塘人
諸生

相見歌

朝來靜倚熏篝怯
登樓一片霜風透
幕又深秋
愁幾許憑誰語問
無休安得愁隨江水付東流

薛廷文

字魯齋
嘉興人

滿江紅

短檠

瑣瑣青燈常見在暝煙初夕也曾照幾番歡笑幾番愁
寂哀雁叫回刀尺夢冷蛩淒斷琴書席感春風秋雨十
年心相依切花纍纍隨時結光黯黯隨時別愧清貧
形影年年蓬壁晚景何堪重暗淡韶華已是成虛擲笑
白頭對爾苦沈吟應無益

馮振東

字筠少
滁州人

望江南

江南憶記得雨初晴十里畫船歌管接五更殘燭夢魂

醒蓮漏怕重聽

查

義

字堯卿海甯人監生

木蘭花慢

蟋蟀

西風長悞汝。涼葉墜、一聲聲。況孤館今年，零煙碎雨，斷角淋鈴。萬里蘭成歸思，最難堪、酒醒正三更。切切空庭私語。一番幽夢初驚。誰知灞岸已難聽。猶是古山城。

料紫塞窮秋，黃沙衰草，更覺淒清。中夜哀音四起，正漢家驃騎擁神兵。時方用兵西陲何似寶釵樓外，傍他螢火牆陰。

王彝鼎

字守之秀水人有梅溪詞

菩薩蠻

獸鑪一樓香煙細畫屏斜倚重門閉階下綉帘垂雙飛
新燕窺柳絲風著力疎雨如珠滴春漲碧如天鴛鴦
自在眠

好事近 效朱希真漁父詞

叢樹雨初晴藏箇櫂頭船小一片桃花新漲映遠山殘
照偶然解纜劃雙橈目送掠波鳥轉入幽溪深處問
何人曾到

諸

洛

字杏程無錫人諸生
有類谷近稿附詞

滿庭芳

溪北草堂賞桂時將北行

何處香霏試伊聞否小山點綴偏幽綠陰如幄清占十

分秋還擬一枝高折容易是結鬢霜稠憑挹取西山朝
爽相對且忘憂無端增悵惘華筵開處嬾舉瓊甌念
身同社燕欲去難留知道明年花發萍跡向甚處淹流
休更說誅茅歸隱此願幾時酬

張宗柎

字汝棟
海鹽人

齊天樂

李次寒坪弟用宋韻

漢宮青綺誰分種離離影疎頻見弱縷中懸豐肌小摘
色暈遙天霞晚風流夢遠甚佳味閒情易增幽怨爭似
仙山餐來上藥鎮長健甘瓜沈共冰水幾番涼沁齒
暑渴曾遣淺碧含漿輕紅膩粉只少纖纖一點兜羅手

軟化千億香林恁時消散且喜花晨華綃開正滿

張宗松

字寒坪海鹽人諸生有捫腹齋詞

金縷曲

慰思巖弟喪明之戚

得氣蘭偏悴似無端驚秋一葉井梧飄墜想是石麟天上謫不比人閒駉驥本無意久留塵世四十明年頭未白看童烏繞樹猶堪喜甌已隨便須棄淒涼舊事重提起憶當時金鑾亡後阿崔又逝曾賦桑歔腸斷句恨與樂天相似但老淚欲揮還止眼底兜曹都愛好儘庭花砌草情堪寄宜作達漫揮涕

齊天樂

李次史梅溪賦橙韻

瑤光星影銷沈後道旁數株曾見雪色宵明翠芬露泣
葉暗青房春晚風吹香遠幸防護周遭雀蟲休怨試和
清醪朝來飲罷幾人健人閒煩暑最酷甘瓜浮未得
惟此消遣色暈微黃肌含淺碧更帶猩紅幾點涎流苦
軟看匝樹勾圓傾筐零散卻愧分餘水荷包未滿

許用良

字選堂海
甯人諸生

天香

桂

雲護瓊英風飄玉穗乍聞知在何處溼翠黏鬟遙黃映
額蘭蕙料應輸與中秋近也問染得金波幾度時向月
窗消受無聲滿庭清露團圓開徧如許綴宮黃不墮

青女衣惹新香吹入畫闌偏古寄語游仙伴侶可容我
相攜廣寒去攀折他年一枝領取

曹

玠

字文尹歙縣人有竹溪詞

卜算子

阻風嚴州

前路幾關河屈指朝朝數萬疊雲山一葉舟愁泊孤城
雨愁雨又愁風風急征程阻若念離人此夜心何不
吹歸去

范用炳

字嘯谷鄞縣人諸生

雙雙燕

乾蝴蝶

桃溪柳徑儘覓綠穿紅翩翩自喜芳魂一縷陡被齊紈

驚碎試問玉埋何地也應在寶階瑤砌阿誰拈弄金針
釘向碧紗窗底長是妝臺困倚把絲匣霜毫細描輕
擬香殘粉褪持比壞裙何似憎煞狸奴善伺還悄向花
叢睥睨只算夢醒羅浮休論蛻餘身世

國朝詞綜補卷十三

無錫丁紹儀杏舂輯

李恭位一首

楊大章補詞一首

陸海一首

朱鑑補詞一首

王珏一首

郭滌補詞一首

姚廷瓚四首

戴延年三首

慶蘭一首

鄭竺一首

范春林一首

張夢鼇一首

楊謙一首

繆孟烈一首

孫鼎烜二首

李稻塍二首

孫樵 二首

周士堂 一首

鄭錫元 一首

邵源 一首
補詞

周蔚 一首

頂映薇 三首

王書田 二首

胡睿烈 一首

馬汾 一首
補詞

黃世德 一首

陸景 一首

陸啟泰 一首

卞樹毓 一首

陳立 一首

黃世墀 一首

朱鼎 一首

姚澤生 一首

史榮 一首

黃湘南 五首

張思孝 一首
補詞

蔣慶增一首補詞

李恭位字其中鄞縣人諸生

臨江仙

落葉紛紛階砌殘
陽黯黯窗紗井梧瑟瑟噪歸鴉
王孫何處去
秋色滿蒹葭
坐久玉鑪香燼夜闌銀燭光斜
薄寒嬾把薄羅加
斷腸君不見
看取海棠花

楊大章字斐園丹陽人諸生

昭君怨

林外斜移雨腳雲
聳一山如削見月易思家
任雲遮煙重小窗漸暝
且喜愁人無影深掩讀書鐙
看流螢

陸

海

字涵齋鄞縣人貢生

明月逐人來 郴州中秋

涼風初透。疎林微漏。中庭外、漸明如畫。舉杯兀自，對影
輕輕叩。底事撩人清瘦。猶憶年時，今夕團圓聚首，歡
宴罷、頻開笑口。而今兩地，無奈雙眉縐。說恁冤業雅奏。

朱

鑑

字明涵元和人有卷石山房詞

惜瓊花

春風惡。歡情薄。恁名花一朵，任聽飄泊。憶曾深夜臨妝
閣。酒罷燈昏，悄語堅約。又誰知、孤付託。嘆匆匆別後，
往事成錯。舊時庭館皆寥落。欲訪仙踪，如夢無著。

王

珏

字侶石號鹿柴江蘇華亭人諸生

滿江紅題李秋錦先生灌園圖

咄咄長貧且莫笑承歡無策憑想像毫端忽湧綠曄紫
陌舊日橐駝應健在雁門家有如神筆乍開關足解北
堂顏頭還黑白木朽青蕞笠茅簷下荆籬側儘行吟
曳杖水南雲北三徑苔深松菊好一舸波穩蓴鱸集趁
灌園梧竹未全荒綿先澤

郭

滢

字萊厓丹陽人貢生

垂楊

本意感舊

綠窗人悄記數聲睨睨好音嬌小寶馬頻嘶斷橋低拂

東風峭。攀條前度津亭道。忍回望、玉樓深窈。倚殘陽、烟
縷絲絲。問甚時還到。堪恨清明過了。任舞倦柔腰。淡
眉如笑。人遠天涯。幾番空悵蘇堤曉。多情只有花飛早。
引春夢、隨風縹緲。卻贏得、一片閒愁為誰掃。

姚廷瓚

字嬾迂號述湘妻
縣人有鐵蕉詞

菩薩蠻

綺牀寂寞堆雲錦。雙雙鵲。鵲敲香枕嬾起曉妝遲。寒輕
花自知。褰幃春正曉。照錦屏山小。窗外靜無聲。游絲
冒落英。

又和隆如小樓夜集

梧桐葉盡秋如許
那堪獨聽重陽雨
不放晚愁來香醪
小閣開
清樽還共惜
相向酬今夕
牆外菊花枝
金風著意吹

清平樂

春分日苦雨

經旬困雨一半韶光去
繞岸垂楊千萬樹
暗老東風情緒
憑闌極望平沙茫茫煙水
人家能得幾多春色等閒落盡梅花

踏莎行

翠幌沈沈蘭房悄悄
妝成還把眉尖掃
窺梁初嘆燕來遲
捲簾翻惜梅開早
並蒂蓮垂同心結
小雲鬟巧綴

宜男草東風本是最多情卻教春色無端老

戴延年

字樂坪長洲人有問花詞

卜算子

淚滴不知行溼透羅衫袖臉遜桃花黛遜螺試問因何瘦
衣薄怯春寒樓外東風驟已是芳心不奈酸更把
青梅嗅

浪淘沙

往事不禁憐對景淒然羅衣熏就又慵添枝上柳綿吹
盡也依舊春寒好夢幾曾酣粉淚偷彈纖腰起凭小
闌干立盡梨花明月影者莫更闌

憶秦娥

秋如許。簾紋簾影饒清趣。饒清趣。秋杳一劫儘消殘暑。
石牀已過瀟瀟雨。披襟還坐閒亭宇。閒亭宇。亂蟬吟得夕陽無主。

慶

蘭

字似村滿洲人諸生

蝶戀花

為竹巖公子題雙鬟伴讀圖碧梧翠竹園中景也

十二曲闌花影繞。露展蕉心。月照梧桐梢。怪底書聲聽更好。相依一對雲鬟小。
香篆頻煩添瑞腦。試數蓮籌。已近三更了。莫再裁詩重起稿。應憐翠袖新寒峭。

鄭

竺

字雪蕉越溪人諸生

謁金門

范氏采菊山房喜晤李房山

風拂拂吹落九天談屑夢破數聲枝上鵲湘簾初映月
春去流鶯聲寂杯酒論文情切郭外菜花香不絕菜
花香裏別

范春林

字東叔常熟人諸生

青門引

葉葉涼風碎吹醒錦衾清睡孤眠况味少人知枕函昨
夜涼沁夢中淚無眠只合披衣起滿院蛩聲細高樓
玉笛誰倚照人明月愁人地

張夢鼈

字後村青浦人諸生有乃吾廬詞

金縷曲 闌干

七寶含香細繞迴廊彎環幾曲總如人意相見筠簾高
捲處待得月華初起正妝罷有人斜倚綽約春衫剛半
露只羅裙隔斷紅雲裏排卅字在花底 金釵劃處分
明記悵重來幾番涼露舊痕都洗暗自思量渾不語彈
上星星珠淚怕提起少年心事轉過閒庭隨手拍問梨
花好夢醒還未柳絲搭尚垂地

楊

謙

字子讓嘉興人諸生

長相思 題金伯淳藕花圖

鴛水流瀟水流到眼芙蓉一鏡秋如花人倚樓 是瓊

樓是紅樓目斷。晶簾不上。鈎蘭繞歸去休。

繆孟烈

字義齋婁縣人諸生

玉女搖仙珮

重陽前二日風雨交作賦此

乍寒天氣。密雨斜風。裝點秋容淒切。亂颭芙蓉。斜飄薜荔。漸逼題糕時節。雁影雲邊沒。正清砧哀角。鉦鏦金鐵。迢迢路。排空埤堦。似打寒潮。聲更嗚咽。悄立向闌干。菊墅蘋洲。無邊騷屑。多少綠窗少婦。翦綵旗幡。好趁嘉時陳設。記得年時。單衫破帽。踏徧關山殘月。往事風流歇。笑吟成七字。潘郎超絕。倩妙手。生綃渲染。疎林蕭颯。鴉翻紅葉。描不徹。遙青遠黛。半明滅。

孫鼎烜

字耀乾休寧人
有耕香堂詞

綺羅香

碎裂苔箋亂採斑管鬱鬱孤懷難寫十載芳菲恨別洛
陽花社折方疎柳樹成圍翦不斷藕絲盈把儘魂銷情
盡橋頭人前難乞合歡假幽期誰使閒阻常怨東風
只妒綠尊紅筍剗卻千山還我舊時春夜舞回風眾裏
搜羅歌艷雪暗中描畫但多卻花絮飄零做成鉛淚瀉
二郎神和夢窗垂虹橋次韻用徐仲體

凍雲紺合風乍歇水平如凝正客鬢逢秋鄰鐘催暮纔
泛香鱸釣艇況值春情闌珊後怕玉瘦花腴無定看縷

縷蝶波。迢迢鴉陣。暗嗟塵境。歸興。湖光潋灩。青山滿
鏡。更竹樹新晴。舊虹猶在。獨向汀洲弄影。塞雁無憑。江
潮有信。堤上綠楊清冷。遙望處。時見流螢數點。未教花
暝。

李稻塍

字耕麓秀水人諸
生有聽鵲山館詞

鵲橋仙

縛茅為屋。編籬作圃。多種名花修竹。呼童牆角斫林梢。
露幾點。遙山如沐。嬾吟小令。試烹新茗。客至共翻棋
局。排窗面面。覆蕉陰。映坐上。鬚眉俱綠。

惜餘春慢

繡幄虛懸金鈴慵護又恁荼蘼開早梅青壓豆柳碧搓
綿剛賸一聲啼鳥門外尋春乍回簾捲疎窗綠陰遮了
笑香閨晨起臨風猶問落紅多少堪恨是風雨連綿
追游何處夢繫繁華空好柔絲脆管綠渚紅橋可有畫
船重到羅袖盈盈淚痕多半因伊愁腸縈繞更何人解
惜餘芳生恐錦屏人老

孫

樵

字吟巖婁縣人
諸生有松風詞

長相思

風無情雨無情作就春寒陣陣生斷腸芳草青花飄
零水輕盈蕩漾閒愁未肯停啼鶯怨不勝

風光好

綠秧田。棟花天上。箔吳蠶不耐眠。鎮絲牽。紅綿乍脫。
單衫薄。香肌削。午倦膏騰不捲簾。日如年。

周士堂

字蓮亭奉賢人
諸生有博園詞

沁園春

午夢醒來無限閒愁。低眉悄然歎廿年碌碌烏飛兔走。
三春冉冉雨覆雲翻。豪氣銷磨壯懷潦倒。翅何堪鳳
翼攀休。再道看風搏九萬水繫三千。踟躕枉過高軒。
算不識何曾值一錢。幸家珍敝帚喬裝金價謎猜雞肋。
強效腥羶卿論誠佳。吾心早冷。覲覲隨人劇自憐。今而

後合伴鷗羣岸驅犢柴關

鄭錫元

字圭堂慈溪人諸生

踏莎行

南陌迎霜東籬餞菊蕭條三徑餘松竹斜陽漸漸薄山
頭寒鴉亂噪尋枝宿窗暗流離香殘褥篤銀缸孤照
三更讀忽聞遠寺響疎鐘聲聲遞到梅花屋

邵

源

字虛白平湖人諸生有紅柳詞

阮郎歸

清陰漠漠柳依依押簾銀蒜低畫樓南畔曲闌西落紅
吹滿溪人不到燕空歸何心更畫眉幾多往事怕重

思愁深總為伊

周

蔚

字南隱
元和人

菩薩蠻

看花早起晨光淺
濛濛香霧迷嬌眼
衫薄怯風酸
扶闌玉臂寒
罷妝情思嬾
強步腰肢軟
回顧燕雙樓
低鬟怨曉雞

頂暎薇

字朱樹嘉
興人諧生有桐花館詞

水龍吟
吟落葉聲

捲來一片酸風
蕭蕭械械驚難住
輕猜點屐急疑敲戶
碎同飄雨墮瓦瑱
琮鋪階瑟縮穿籬飛舞
怕秋聲不到

珠簾繡幙偏吹樓近深處
側耳霜砧幾杵又攙和鳥
啼蛩訴煙花似夢繁華都盡結成淒楚渭水寒生洞庭
波起帶愁流去記燈殘吟倦小窗對客黯然無語

八聲甘州 聽雨

正蕭蕭夜雨滴空庭淒然冷深秋漸簷花亂落鐘沈古
寺碁斷高樓剩有幽蛩哀訴繞砌不能休分與芭蕉葉
葉葉添愁竹几孤燈黯淡怨寒侵斗帳潤逼香篝更
依稀歸夢驚轉粉牆頭記園林佳期聯榻醉裏聽疎響
和清謳今何似似離人淚一樣難收

霜葉飛 蘆花

藕灣菱渚都空了。寒叢搖漾荒浦。夕陽一片影迷離。暗
逐秋潮去。又陣陣斜風亂舞。沙邊愁煞閒鷗鷺。更月底
無踪。賓雁冷。哀音嘹唳。棲向何處。遙襯萬木酣紅。江
村水暝。客舟難認歸路。幾行殘雪隔橋飛。斷港無人渡。
祇合與漁翁作主。蓑衣撲徧纔收罟。向晚來。炊菰米。低
葢煙篷。略聞人語。

王書田

字逸庵嘉興
人有過雲詞

疎影

竹影

舞襟新翠蔭蒼苔。文石碧梧桐井竒。窈窕蘿窗幾箇橫斜。
書幌旋添微冷。無端一縷斜陽透。知鏡沼藕花風定倩。

王猷且住藍輿况有秋聲堪聽 移上周遭粉壁料書
家畫手更助清興滿地羅疎冷意三分多謝此君持贈
有時戛碎玲瓏月看倒卧三三花徑記瀟湘波面難尋
正值雨濃烟暝

沁園春 顰

懊惱情懷簇簇雙蛾愁痕漸增宛江妃罷寵螺丸謝卻
文君斷愛蓉臉應曾柳葉含嬌蘭叢寫怨萬轉千回力
未勝休輕效是天然姿致嫵媚橫生 底須玉筍盈盈
只緊蹙修眉也可情記楊妃病齒停尊不語吳姬心痛
滅燭無聲秋水斜凝春山暗鎖飲恨餐愁笑不成端相

偏覺嫣然啟齒未足傾城

胡睿烈

字灵齋天
津人諸生

一萼紅人日立春同人集午晴樓呈朱七橋先生

峭寒天有含枝殘雪晴壓畫樓偏竹葉分杯芹芽改席
宜春帖子頻黏憶此日鏤金人瘦綴釵梁錦石小如錢
最是關心何堪重賦雁後花前 羯鼓聲聲清晝漫情
留湘管調寄紅絃積水雲輕擘絲風細早又深院祈蠶
縱倚徧闌干十二溯往事都付夢中煙欲譜新詞折柳
怕到啼鵲

馬

汾字澹于海寧人諸
生有稱雲軒詞

八聲甘州

題李金蘭明經所藏朱竹垞先生遺兩
孫析產券券云竹垞老人雖曾通籍父

子止知讀書不知生產因而家計蕭然
但有瘠田荒他八十四畝零今年已衰
邁會同親族分撥付桂孫稻孫分管辦
糧收息至於文恪公祭田原係公產下
徐蕩緒置蕩七畝并荒地三分均存老
人處辦糧分給管墳人飯米孫等須要
安貧守分回憶老人析著時田無半畝
屋無寸椽今存產雖薄若能勤儉亦可
少供饒粥勿以祖父無所遺致生怨尤
倘老人餘年再有所置另行續析此字
康熙四十一年四月日竹垞老人書

只叢殘一紙抵家藏遺墨閱星霜悵蕭然貧宦無多負

郭書券分將大好文孫競爽耐得淡齏黃想見垞南北

瓦屋斜陽并少金留諛墓但閉門苦守絮語家常潮

蓬山舊事回首太茫茫。幸當年青蓮交契有後昆。隻字
寶琳瑯。還驚喜風花寒食未替椒漿。

黃世德

字永夫長洲人有竹漁詞

更漏子

簸榆錢。飛柳絮。總是催春歸去。鶯百轉。燕雙飛。梭停織
錦機。早寒輕。晚風驟。暗裏把人消瘦。垂繡箔。蕩銀鈎。
從今莫倚樓。

陸景

字梅垞吳縣人諸生有采菊山房詞

醉花陰

海棠

牆陰一見芳心醉。紅萼偏多媚。翠幄又重重。月下風前

錯認楊妃睡 嬌多未省將憔悴半向蒼苔萎怎說不
銷魂點點胭脂都是相思淚

陸啟泰

字曉園長州人有柳塘詞

如夢令

一晌歡娛分手夢醒早寒初透庭院悄沈沈又是暮春
時候風驟風驟千點落紅人瘦

卜樹毓

字培基吳縣人諸生有近村詞

清平樂

過濯纓亭故址

草枯石瘦故址還依舊回首高亭今在否落葉蕭蕭荒
阜寒畦極目淒涼野塘自繞宮牆拂袖高歌歸去晚

山一片斜陽

陳

立

字峙珊無錫人諸生

百字令

雪夜有偷兒入室曉起檢視未失一物戲填一詞自慰

宵來被酒竟暖生衾鐵斵然睡適曉起推窗知雪厚回
顧不禁心嚇詎意偷兒未知寒士鑿破相如壁勾稽家
具又還將手加額可笑若輩營生此來錯矣走入先
生室舊物青氈除去了只有破書狼籍萬石君穿中書
君禿拾也終還擲惜他寒夜枉拋多少心力

黃世輝

字涉斯休甯人

瑤臺第一層

題汪蘭雪女史聽月樓遺詩

想見襟懷如雪淨。吟成字字香。問名爭羨勝蘭氣。靜。銘
菊才長。一編風絮。咏。應壓他。謝妹蘇娘。堪憐是。聽機鳴
冷月。衣搗嚴霜。何妨。鏡臺小住。茶經簫譜。儘評量。無
端一夢。遊仙有枕。續命無湯。墨華偏易悴。賸影堂。遺掛
淒涼。最神傷。正情深。孫子。詩和潘郎。

朱

鼎字秋巖秀
水人諸生

南柯子

楓岸烘晴綺。江天曳薄羅。一繩雁影寫涼波。幾度個人
兩字認來訛。露冷蒼葭渚。烟凝碧蘚坡。西風瑟瑟奈
愁何。早又一丸新月映藤蘿。

姚懌生

字霞岑金山人諸生

清平樂

手帕

翦殘雲葉三尺冰綃疊龍腦熏多香細泥拂拭嘗親粉
頰玲瓏綰出同心淚花點點斜侵索得檀奴題句背
人燈下偷吟

史

榮

字雪汀鄞縣人諸生

百字令

陶律夫以此詞題余補註昌谷詩集因次其韻

千年恨血想秋墳愁線一絲相繫老我有心無嘔處衰
薄精神空費把酒思澆買絲難繡淚盡芭蕉紙頻勞想
像通眉長爪誰似默計廿載於茲愛探囊錦惟我與

君耳當口。憐垂翅客。賸馥沾來。有幾牛鬼蛇神時。花
美女放胆。憑人議。煩君細讀。然乎否也。非是。

黃湘南

字石櫓。甯鄉人。
諸生。有紅雪詞。

歸自謠

春如許。花外流鶯啼不住。聲聲故向窗前度。驚回遠
夢愁無主。人何處。摧花又下廉纖雨。

卜算子

芳草尚萋萋。望斷天涯路。綠綠長江疊疊山。都是愁來
處。魚雁兩無憑。好夢空如許。聽徧霜風落葉聲。不把
愁吹去。

踏莎行

斜照紅微暮烟碧散澄川一幅輕羅展杜鵑啼歇鷓鴣
啼客魂易斷愁難斷 戍鼓聲淒漁歌唱緩垂楊綠徧
蘼蕪岸便思沽酒向前村卻愁醒醉無人管

漁家傲

纔到初冬天已冷閉門深閉人孤另雨意商量晴未肯
慙慙病者回歷徧愁人境 黃菊丹芙蓉秋色盡霜林黯
淡瀟湘景風過方塘微浪定明如鏡照來不似年時影

龍山會

九日

風雨宵來驟曉色侵窗佳節逢重九悲秋人正瘦柴門

掩孤負登臨時。小院半蕭條。只留得、敗荷衰柳。最關情、東籬幾簇。黃花開否。依依晚節堪憐。比似柴桑。試飲茱萸酒。樽前開笑口。問當日。戲馬英雄。何有爛醉。且消愁。祭酒醒。愁還依舊。望天涯。帽簷敲處。幾回搔首。

張思孝

字南陵長洲人貢生有鶯邊詞

臨江仙

幾日畫梁無燕子。筠簾懶上銀鈎。露華葉上已先流。月沈將冷。砌人倚可憐秋。夜永漸嫌羅袖薄。西風峭似春柔。酒醒不耐數更籌。雁聲驚遠夢。鐙影聚鄉愁。

蔣慶增

字如川長洲人

蝶戀花

露井蛩疏良夜靜薄酒欺寒又是年時病記得醉中頻
索茗玉纖親試團龍餅歡夢如塵難再省誰信而今
愁與星河冷殘月四更人睡醒一簾風顫秋花影

國朝詞綜補卷十四

無錫丁紹儀杏舫輯

梁肯堂一首

戴文燈一首

蔣國華一首

龍鐸一首

孟超然一首

蔣國萃一首

崔龍見一首

張九鉞四首

章含美一首

錢青一首

錢維喬一首

董潮二首

姚鼎一首

吳珏一首

李調元三首

周發春一首

蔣學文 一首

蔣禹邁 一首

蔣麟書 一首

王汝璧 一首

余集 補一首

沈鍾 六首

徐天柱 一首

金蓉 補一首

魏晉錫 補一首

嚴翼 一首

李荃 九首

鄭宗彝 一首

徐大榕 一首

莊通敏 一首

周靄聯 一首

劉奎年 補一首

孫軼羣 一首

許肇封 補一首

顧宗泰 補一首

范來宗 一首

徐志鼎一首補詞

梁肯堂

字構亭錢塘人乾隆二十一年舉人官直隸總督有石幢居士吟稿

安公子

不道春歸也。一春飄泊名花謝。風雨妒花飛片片。亂穿簾罅。看玉骨、瘦無半把。妝初罷。卻為甚、暗地將愁惹。最堪憎是、微耳啼鶯。聲聲嬌婉。待把流鶯罵。罵時休想鶯兒怕。離怨繫來心裏病。翠毫難寫。還自過、曲臺芳榭。閒消夏。更不管、冷落秋千架。恨雲惱月。者樣癡情、與誰同話。

戴文燈

字光林號匏齋歸安人乾隆二十二年進士官禮部員外郎有紺雪詞

滿江紅

春暮燕臺雜興用陳迦陵江村夏詠韻

聽鼓應官望省署雁行鵠立慣日午馬嘶人散冷杯殘
炙欲逐遨頭歡意洽只箝紙尾追逋急更何心春菜擷
春盤題襟集鸚鵡杓思鯨吸楊柳雨將花浥便牆頭
濁酒齊盟車笠燕子無愁疎幕改鶯兒未覺新簧澀問
此時不醉待何如青衫溼

蔣國華

字遜如長洲人乾隆二年進士官冀州知州

百字令

哭醇如四弟

天心何酷竟田荆方茂一枝先萎憶昔推梨兼讓棗幼
慧早傳鄉里金闕纔登玉樓遽召競爽而今已雁行中

斷不堪翹首雲際 思子况見雙親憑棺絮語互灑風
前涕為勸節哀佯作達難掩神傷心悸姜被寒生謝池
夢杳中夜還驚起泉臺思慰忍教孤寡無倚

龍

鐸

字震升號雨樵宛平人乾隆二十四年舉人官吳江知縣

減字木蘭花

贈小伶鳳珠

彩雲么夢何處飛來紅玉鳳笑倩人扶一曲梁州一斛
珠眉歡目妥教人坐立如何可偏解相思學語難鶯
小意兒

孟超然

字瓶庵閬縣人乾隆二十五年進士官吏部郎中任四川學政

金縷曲

朱竹君學使先於庚寅歲主試閩中夢武庚君見召約以十年後往逮辛丑視學任

滿入都未久以微疾逝賦此哀之時令弟
石君方視閩學並以奉訃

廿載蓬瀛客駕征輶
舉帷南望山丹水碧
一枕清宵催客夢夢
到洞天窈宅訝風馬
雲車絡繹九曲峰頭
虛左待望先生認取
三生石休忘卻舊丹
冊當時執掌嗟登陟
語仙靈相期十載不
虛諾責誰料輶軒重
莅止到眼巖巒猶昔
曾未幾果登仙籍話
到幔亭張晏事正吹
簫淒斷緱山笛纔俯
仰總陳跡

蔣國萃

字醇如吳縣人乾隆二
十五年舉人官中書

慶清朝

直宿中書省

紫殿風清碧天雲淨此身幸到瑤京桂魄當空萬年枝

上晶瑩坐久翻疑似夢聽來萬籟靜無聲徘徊處微聞
隔院玉漏琤琮深愧茲焉鳴珮是江湖陋質一介儒
生文章漫信真堪點綴昇平願比山中毛穎盡心聊以
會明廷閒吟咏謝家紅藥露下金莖

崔龍見

字曼亭永濟人乾隆二十六年進士官荆宜施道

百字令

牡丹

名花傾國問沈香遺事風流曠代消歇芳華春過半猶
見霓裳月珮鹿韭微黃鼠姑淺碧豔說東風醉怨春不
語畫闌空掃眉黛凝望京洛征塵鈿車流水薌澤盈
衣袂頻首花王曾品第贏得閒愁坐對漠漠晴絲盈盈

弱絮煙柳無情最幾家蜀錦晚香飛上鞦帶

張九鉞

字紫峴湘潭人乾隆二十七年舉人官海陽知縣有秋篋詞

清平樂

蕪小小墓

青驄行處仍是西陵路不見同心松柏樹淒斷一抔荒
上橋邊菡萏初花路旁楊柳藏鴉休唱黃金縷曲恐
驚油壁香車

祝英臺近

三月十四夜微月步至暄谷小齋留飲並示春夜詞

線般風針樣雨織到幾時了漏出些兒澹月掛天小最
憐醉杏如癡夢梨不醒又做弄春愁多少冶遊悄恰
有巷北詞人清尊許傾倒更讀新詞石帚玉田巧合教

定子當歌雪兒按拍且莫管江南鶯老

齊天樂

山左旅次趙杭林之官賓朔

太行已在離筵上青青亂峰無數班馬嘶風賓鴻叫月
更向太行西去計程幾許且聽過隴頭幾聲鸚鵡枸杞
花開到時正值競韶鼓龍沙蒼莽試望想賀蘭積雪
朗似瑤圃元昊宮前赫連臺外一片殘陽疎雨胭脂認
取倩羌笛吹來倚樓新句落了梅花羽衣重按譜

百字令

蒲磯丁將軍祠

黃雲漠漠見江豚鼓浪亂沙如噴誰把迴帆揭打急收
落危磯千仞浦外銀鼉風前鐵馬都向靈旗隱紙灰飛

徧將軍祠宇重認望斷鐵鎖沈餘樓船下後不盡降
王恨故國宮牆何處是留此英魂未泯追想徐塘雪中
鏖戰赤壁功同峻且拋殘食檣顛看打鴉陣

章含美

字愛之吳縣人乾隆二十七年舉人

浣溪紗

習習東風過院牆暗潮生潤暈衣裳朝來遲起嬾梳妝
夜雨易催花命短春寒偏蹙柳眉長莫教驚醒睡鴛

鴛

錢青

字自修元和人有偶寄詞

菩薩蠻

別林黃葉無風落月華如水浮簾箔清絕夜涼天含情
空自眠 雕牀身轉側那更蛩鳴急強起剔殘燈燈花
何足憑

錢維喬

字竹初武進人乾隆二十七年舉人

南柯子

綠樹千村合清溪百道連故鄉風景最鮮妍負了一筇
雙槳又三年 有夢迷蝴蝶多情憶杜鵑雁來時候燕
歸前贏得一燈如豆伴孤眠

董

潮

字東亭陽湖人浙江海鹽籍乾隆二十八年進士官庶吉士有漱花詞

相見歡

燈殘夜雨重門近。黃昏撥盡沈檀金鴨火。難溫東風
緊。梨花冷。總銷魂。依舊一川烟草。怨王孫。

謁金門

東風早吹綠。一庭芳草寒擁香篝。深閣悄。夢和煙縹緲。
昨夜雨聲催曉。試問落紅多少。花信番番吹未了。蝶
癡鶯漸老。

姚

鼐

字姬傳。桐城人。乾隆二十八年進士。官禮部郎中。有惜抱軒集附詞。

桂枝香和鄭前村咏鄰女摸稟

西風繞舍。望裊裊弱枝。隔離垂瓦。正是新霜綴滿。素烟
凝掛。才聽笑語憐紅小。又長竿一聲飄洒。鬢鴉何處。筠

籠應滿。夕陽漸下。笑杜老、清詩漫寫。怎忘近邨園。盈
畝桑柘。幾度分甘兒女。故人情話。綠窗榛栗方同薦。數
而今、授衣近也。天涯知否。東隣織月。新添林罅。

吳

珏 字並山歙縣人乾隆二十八年進士官中書有香草詞

清平樂

紅嫣紫姹著眼春如畫。何事衆中迴避。乍十五盈盈未
嫁。湘裙六幅斜拖。見人似恐情多。幸得紙鸞飛起。賺
他遙轉橫波。

李調元

字雨村綿州人乾隆二十八年進士官通永道有壺山詩文集附詞

如夢令

庭下丁香初結已是半年離別最怕是黃昏一點孤燈
明滅嗚咽嗚咽窗外子規啼月

浣溪紗

斜掩金鋪日影移水晶簾子鎮垂垂楊花偏傍繡幃吹
玉步搖敲攏鬢嬾金泥裙卸整腰遲春愁一片化遊
絲

謁金門

風過處吹落一庭輕絮幾陣廉纖窗外雨綠迷芳草渡
纔見蜂酣蝶舞又早燕來鴻去試問花落誰作主流
鶯嬌不語

周發春

字青原江甯人乾隆三十年召試舉人官內閣中書有鐵鏡軒集

東風第一枝

落花

一雨宵濃捲將簾看胭脂零亂如許春其有脚歸耶幾
度問花無語青鸞落翮休比作美人黃土好風來卷上
瑤京片刻綵雲千縷蝶傍著雕闌不去燕倚著玉櫳
猶覩那人步下秋千到此也還凝竚呼朋小聚莫便把
金樽愁舉指庭前碎錦重茵是我酒闌眠處

蔣學文

字碩儒長洲人乾隆三十年舉人

百字令

月下過盧溝橋

笨車歷落到盧溝橋上無邊空濶四野迷離煙霧影攪

著一天涼月隊隊明駝蕭蕭鳴馬來往紛相接都門將
近舉頭遙見城堞屈指足踏縑塵征衣屢換搔盡星
星髮何事薊邙成熟路一度一回愁怯柱上題存闕前
縑棄此志難磨滅桑乾回眺冷光遙映如雪

蔣禹邁

字紹業吳縣人乾隆三十年舉人

金纓曲

懷六七兩弟時六弟依其外舅七弟偕姊夫赴蜀

相聚歌明發喜多年斑衣齊舞弟兄無關樂事從來偏
不久折散封胡羯末憐兩弟生生離別六弟飛揚多意
氣更英英七弟如蘭茁天一角意飛越遙思度嶺居
南粵有冰清相逢玉潤幾多歡悅更念相依嬾弟樂蜀

坂何愁險絕只可奈我心如結縱說尚餘昆季在但雁
行終覺分飛怯同被卧甚時節

蔣麟書

字震遠元和人乾隆三十一年進士有浮雲彩詞

好事近

漁

孤櫂入煙波劃破一江秋色依約水雲多處弄數聲橫
笛釣竿偶得玉鱸魚銅斗村醪碧醉卧蘆花叢裏與
鷺鷥同宅

王汝璧

字鎮之銅梁人乾隆三十一年進士官安縣巡撫

望湘人

題潘湘雲遺照

正玉梅開盡夢斷羅浮鷺鴻飛下寥廓冉冉芳魂亭亭

倩影留得眉痕依約千古傷心桃花命短楊花力弱只
絲絲恨縷如烟還共曉雲飄泊偏是天寒袖薄便為
伊痛絕天心難度算五角六張第一種情人錯休教墓
側星星碧火更幻紅蓮雙萼待說與畫裏湘娥幾度木
蘭花落

余集

字秋室仁和人乾隆三十一年進士官侍讀學士有憶庵謄稿附詞

摸魚兒

梅妃里

怪千秋粉痕蘭跡無情黃土銷盡蠻煙引我尋芳屐來
探天涯芳信天怎忍便一例馬嵬淒寂驪宮冷殘梅弔
影恍冉冉天風珊珊環珮猶送舊時韻樓東賦惆悵

鳳奩香燼蛾眉曾寄孤憤鼓鼙驚破長門夢故國那堪
重省君莫恨若說與英雄感遇同紅粉春風舊徑尚依
約荆門群山萬壑吟動杜陵興

沈

鍾字鹿坪陽湖人乾隆三十三年
舉人官屏南知縣有柳外詞

南歌子

漫說春光好春歸更黯然燕兒不住語梁閒似道陰晴
無定最堪憐一桁花飛雨千行柳作去綿傷春病酒
鎮懨懨又是送人時候困人天

更漏子

人未來春又去禁得幾番風雨簾櫳悄漏聲遙將眠魂

暗銷 鎧花好知何兆應有夢兜來到纔合眼又驚回
城頭畫角催

南鄉子

底事費思量半晌沈吟倚繡牀纔把蝦鬚簾捲上剛剛
放出銜泥燕一雙 花信太匆忙又見新紅到海棠曉
夢乍圓誰喚覺叮嚀怪煞風鈴撼瑣窗

醉花間

怕風雨偏風雨風雨催春去一夜海棠花零落知何許
獨自捲簾看不見春歸路梁燕也知愁向我喃喃訴
惜分釵

春無跡。人無力。東風陣陣愁如結。倚南樓。望歸舟。幾點
雲帆。一派江流。悠悠。天將暝。花魂冷。綺窗寂寞黃昏
近。數更籌。擁熏篝。風掃疎櫺。雨打簾鉤。颼颼。

蝶戀花

一縷紫簾香篆瘦。貪看冰輪。忘却添金獸。坐到夜深涼
意透。徧身花影將人覆。水浸空庭明似畫。藻荇交橫。
光景渾如舊。記得年時同賭酒。酒寒偎暖雙紅袖。

徐天柱

字擎士號松丁德清人乾隆三十
四年進士官編修有桐初書屋詞

臨江仙

用顧夢體

柳絮黏天千里暮。小樓一夜廉纖。春潮真與恨俱添。人

聞天上悲燕燕惜鵲鵲 欲笑不成啼不可口中石闕
如箝分明私語蹙眉尖他年相憶將故素比新綠

金

蓉

字采江秀水人乾隆三十
四年進士官檢討

摸魚兒

別江南歸別

傍紅橋東西分占沙鷗鎮日相聚金風一翦摧林葉攪
得鄉心如許三載佳笑冰樣頭銜好夢渾無據不如歸
去正滿徑黃花倚閭人健一笑進芳醕 帆初掛好趁
南飛雁侶翻添此日離緒酒邊縱有朋牋在爭似攀愁
交呂還記取對一點篝燈話到窗微曙銷魂何處料斷
浦煙寒荒堤月落獨卧短篷雨

魏晉錫

原名晉賢字夢溪丹陽人乾隆三十四年進士官汝甯知府

摸魚兒

甲辰清明後五日遊二宏院追憶納川濱石諸友

繞城塍一痕新綠野棠開徧無主遊絲吹送垂楊岸遙
聽梵聲飛渡憑記取認石上清泉長印禪心古閒愁萬
縷算重到元都劉郎老矣白髮鏡邊數三生夢當日
鸞箋秀句碧紗誰護塵土雪中鴻爪東西聚輸與故園
鷗鷺君知否看排闥青山幾疊松楸路零鐘斷鼓怕遠
水平蕪斜陽短笛又入酒壚賦

嚴翼

字憩堂嘉定人乾隆三十五年舉人

桂枝香

薑

煮鹽湯沸問座上仙翁蜀中歸未袖底携來帶得紫痕
纖細留犁斫罷還輕搗好煩他厨娘調劑春葱糝處試
探火候一嘗滋味 恰又值清寒天氣任溫存物性楚
椒川桂怎比柔尖一縷便教融胃梅家當日將辛贈料
應知殿中微意殷勤卻憶何人題就野蔬十二

李

荃

字玉陞宜興人乾隆三十五年
舉人官廣平府同知有竹軒詞

點絳脣 晚春

綠密紅稀翠陰深處鶯聲巧暮煙橫罩又是黃昏了
風雨更番花徑無人掃春將老暗愁多少滿目萋萋草

菩薩蠻

東風乍染青青柳，休教攀折離人手。
嫩綠未成陰，幾絲春意侵。
黃鸝樓不住，畢竟還飛去。
欲去不勝情，頻啼三兩聲。

清平樂

送春

流鶯無語似怨韶光暮，可奈深山啼杜宇。
頻勸東君歸去，無端花落水流。
一年春事全休，只為幾番風雨。
費人無限閒愁。

雨中花

春杪即事

潑灑銀塘新水綠，映幾樹碧梧翠竹。
望暮靄村前夕陽樓外，雨過山如沐。
春去平添愁萬斛，問誰伴黃昏幽。

獨但新月橫簾殘花滿院倚徧闌干曲

應天長

青茵藉地翠幄覆簷韶光暗中偷換試啟綺窗時見蒼
苔落花片園中蝶梁上燕想笑我閉門淒惋暗凝佇倚
徧闌干黃昏庭院寂寞對孤燈好夢難成且去強開
卷閒憶近來美景良辰總成怨綠窗靜人去遠對皓月
更誰同看算惟有醉舞狂歌清尊常滿

垂楊

秋柳

秋風嫋嫋正清蘆葉亂井梧陰小極目蕭條幾株衰柳
垂官道絲絲搖落同荒草悵張緒風流已渺想章臺無

數棲鴉。綰暗愁多少。一自尊前折了。但疎雨暮雲斷。
煙斜照。莫上妝樓。樹猶如此。飄零早。聲聲羌笛添愁抱。
漫相怨。青青今老。更誰憐。殘月曉風人去杳。

齊天樂

己酉省試旋里風阻江口舟次東皋賦此

扁舟遙望鄉關道。滔滔大江東去。似箭歸心。如絲客思。
懊惱石尤相阻。蒼茫四顧。但纜繫蘆汀。棹依沙渚。一笛
臨風滿空煙靄。碧山暮。無聊追念往事。記鎔心軟語。
多少情緒。夜月穿窗。秋風滿院。想把歸期頻數。相思幾
許。奈夢裏濃歡。覺來何處。惆悵無眠。短篷鳴細雨。

又

甲辰七夕

新涼庭院天街晚佳期又傳河渚銀漢流空金風拂夜
應是鵲橋曾渡乘槎欲訴有獨處無郎世間兒女試聽
空階亂蛩切切學私語淒清更堪客館對關山滿眼
幾度朝暮戲蠟心遙藏絲信杳惆悵紅牆朱戶廉纖過
雨望縹緲雲軒甚時來駐只有姮娥照人離恨苦

水龍吟

楊花次宋章質夫韻

更餘幾日殘春漫天惟有楊花墜因風飛處透簾穿戶
助人離思孤館幽窗欲來還去重門深閉傍牆陰砌畔
濛濛密糝人纔近翩然起惆悵疎狂踪跡問枝頭甚
時重綴天涯落寞飄萍無定此心空碎灞岸斜陽渭城

朝雨半隨流水想韶光欲去天公也自洒風前淚

鄭宗彝

字東亭江甯人乾隆三十七年進士官

金縷曲

竹巖同年囑題雙鬟伴讀圖

韻事真如許碧陰陰梧桐庭院玉蟾初吐半帙黃庭臨
過了好把青箱檢取有解意樊蠻仙侶淪茗添香書案
側更天然秀色呈眉宇嬌相對兩無語春風鬢影應
輸與又何需高燒銀燭悄歌金縷一卷芸編雙翠袖不
信天公也如悵此日玉人何處十載盛衰同轉瞬剩宵
來月色還如故年時事忍重數

徐大榕

字惕庵武進人大興籍乾隆三十七年進士官濟南知府

百字令

夏日喜雨

乍暖還寒正熟梅天氣浴蘭時節快雨田家占歲稔一
任沾花濺葉結網蛛潛銜泥燕怯鳩婦偏饒舌珠飛玉
洒西風未許催歇始信造物無私千林如沐甘露郊
原浥想見一篙新漲滿夾岸流泉聲咽蒲綠方滋榴紅
未褪好試衝泥屨桔槔停灌畦蔬客到堪掬

莊通敏

字澹迂陽湖人乾隆三
十七年進士官

摸魚兒

偕友泛西湖

愛湖光暖風徐漾浴鳬飛燕無數榮枯世事都休問只
算草頭朝露山遠處但指點虛無一片迷晴霧落紅如

雨恍仙侶招邀武陵源近莫放好春去
雙堤外多少
巖巖回互閒居擬倩潘賦提壺頻喚添清興不管斜陽
難駐煙霞趣好收拾湖山寫入奚囊句漁歌聽取待買
箇輕舸嘲風弄月此外更何慕

周霽聯

字肖濂金山人乾隆三十九年舉人官川南道

采桑子

從軍西藏值中元節聞大招寺燃燈甚盛適病甚不克往觀詞以紀之

大招忽變光明藏萬盞琉璃藝起蛭脂揲演樓頭禮辟
支 懨懨病骨兜衾卧蠟穗離披一勺鱸糜憑仗獠奴
好護持

劉奎年

字雲石丹陽人乾隆三十九年舉人官易州州同有相花館詞

眉峰碧

即卜算子用玉照新志體

一水分雙岸。弱柳輕遮斷。鎮日蘭房不耐寒。怎郎處。春
偏暖。抱影登樓看。倚檻聞微歎。花外車輪并轆轤。分
明白。心頭轉。

孫軼群

字未詳新昌人乾隆三十九年舉人

菩薩蠻

無端一陣廉纖雨。天公苦苦留人住。雨後月華生。幽窗
分外明。隔牆琴韻度。似把憂思訴。轉側睡難安。誰憐
玉指寒。

許肇封

字州山海甯人乾隆三十九年舉人官望江知縣有旋香詞

浣溪紗 駕湖舟中作

鬢角飛蟬貼翠鈿
鞋頭新鳳裏金蓮
妝成背鏡怨春天
楊柳千絲郎馬上
枇杷一樹妾門前
小橋流水夕陽邊

顧宗泰

字星橋元和人乾隆四十年進士官高州知府有月滿樓詞

卜算子 紅橋

十里綠楊煙颺起
東風影家在紅橋
曲水閒妝向花前
整夢覺十年春有恨
誰人省小閣輕寒
裊篆香一桁珠簾冷

柳梢青

小坐窗紗茶煙輕颺故逐人斜紅粉春深青衫秋老一
樣年華前塵流水飛花回首處誰知恨賒渚北愁雲
江南冷月幾度天涯

憶秦娥

宵深深獨臨碧沼愁芳心愁芳心貪看月影憎煞桐陰
刀環何日空瑤音花前玉筍沾羅襟沾羅襟柳綿飛
後盼到而今

霜天曉角

如此江關白門疎柳攀玉樹清歌何處騰煙靄六朝山
客中人倚闌早秋流水寒怎看得臺城外殘月照後

湖灣。

生查子

金縷繫香綃寄得回文字有盡意中言不盡心中事
纔訂月中盟又灑花前淚憎煞慧鸚哥偷傍簾兒晚

范來宗

字芝巖英縣人乾隆四十年進士官編修

沁園春

題顧星橋同年懷師友詩

輾轉懷人夜雨空階晨星幾何遇鉅公接席感深文字
名流傾蓋觸動詩魔後約難期前歡易逝都付人間春
夢婆嗟彈指看雙丸跳擲疾去如梭而今握管吟哦
欲補寫相思費揣摩記何人何日鬚眉湧現某山某水

裙屐輕過惹我離情憑君好事一樣迴腸兩手搓挑燈
讀怕星星絲鬢明日增多

徐志鼎

字調元平湖人乾隆四十年
進士官南溪知縣有玉兩詞

好事近

深院響梧桐。剛逗半簾斜月。踏徧蒼苔。心碎怕春痕難
滅。分明佳約在今宵。愁聽漏籤歇。疑是珮環聲近。又
風敲檐鐵。